



CONCELLO DE O BOLO
RÚA CÉSAR CONTI, 33
32373 O BOLO (OURENSE)

ORDENANZA REGULADORA DA LIMPEZA, SALUBRIDADE E SEGURIDADE DE TERREOS, SOARES E ESPAZOS PÚBLICOS, DE MEDIDAS PREVENTIVAS CONTRA INCENDIOS FORESTAIS E DA UTILIZACIÓN DA MAQUINARIA FORESTAL DO CONCELLO

CAPITULO I DISPOSICIONS XERAIS.

Artigo 1º. A presente ordenanza dítase ó abeiro das facultades concedidas polos artigos 24, en relación co 84, da Lei 7/1985 de 2 de abril, reguladora das bases do réxime local, en relación co preceptuado na Lei 9/2002 do 30 de decembro de ordenación urbanística e protección do medio rural de Galicia, artigo 24 do Decreto 28/1999 do 21 de xaneiro polo que se aproba o Regulamento de disciplina urbanística de Galicia e 1 e 10 do Real Decreto 2187/1987 do 23 de xuño polo que se aproba o Regulamento de Disciplina urbanística, decreto do 17 de xuño de 1995 polo que se aproba o Regulamento de servizos das corporacións locais, e artigo 80 da Lei 5/1997 do 22 de xullo da administración local de Galicia.

Artigo 2º. Esta Ordenanza ten natureza de ordenanza de policía urbana e rural e de prevención de incendios, non ligada a unhas directrices de planeamento concreto, por estar referida a aspectos de salubridade, de seguridade e puramente técnicos e estéticos co obxecto de conseguir as condicións apropiadas de pulcritude, ornamento urbano e mellora do medio ambiente.

Artigo 3º. O ámbito de aplicación da presente ordenanza exténdese ó termo municipal de O Bolo.

CAPITULO II. DAS CONDICIONS DE SALUBRIDADE, SEGURIDADE E ORNATO PÚBLICO DAS EDIFICACIÓNS E SOARES.-

Artigo 4º. Os propietarios de vivendas ou instalacións estarán na obriga de mantelas en condicións de seguridade, salubridade o ornato público con suxección as normas mínimas de habitabilidade e de protección do patrimonio histórico. Estarase ó procedemento disposto no Regulamento de disciplina urbanística de Galicia no tocante o deber de conservación e ruína. No caso de acondicionamento de rúas e prazas públicas polo Concello, éste poderá emitir ordes de execución tendentes ó embelecemento do núcleos urbanos nas áreas rehabilitadas.

Artigo 5º. Os propietarios de soares deberán mantelos en condicións de seguridade, salubridade e ornato público, quedándolles expresamente prohibido manter neles lixo, maleza, entullos e residuos sólidos urbanos.

CAPITULO III. DAS MEDIDAS DE PROTECCION CONTRA INCENDIOS FORESTAIS.

Artigo 6º. Os propietarios de terreos incluídos en solo rústico ou os propietarios ou administradores das prantacións de árbores existentes á entrada en vigor desta ordenanza, deberán realizar tarefas de limpeza de maleza e de calquer material que facilite á propagación do lume.

Para realizar estas tarefas de limpeza de maleza os particulares ou as comunidades de montes poderán solicitar o servizo do tractor forestal do Concello segundo se establece no artigo 8º.

As actuacións abrangerán polo menos unha franxa de cen (100) metros arredor de calquera edificación, urbanización ou obras e de corenta (40) metros arredor de instalacións industriais ou eléctricas.



CONCELLO DE O BOLO
RÚA CÉSAR CONTI, 33
32373 O BOLO (OURENSE)

CAPITULO IV. PROCEDEMENTO E TAXA PARA A UTILIZACION DOS SERVIZOS DO TRACTOR DESBROZADORA MUNICIPAL.

Artigo 7º. Constitúe o obxecto da exacción a utilización da maquinaria de propiedade municipal, en especial, o tractor desbrozadora, solicitado a instancia de persoas naturais ou xurídicas, públicas o privadas.

Artigo 8º. O feito imponible está constituído pola prestación do servizo con maquinaria do parque municipal. O Servizo, trala xustificación do interese público, pode ser susceptible de ser prestado fóra do termo municipal.

Artigo 9º. A Obriga de contrubiír nacerá dende o momento en el que se solicite e autorice a prestación do servizo .

Artigo 10º. Estarán obrigados ó pagamento aquelas persoas naturais ou xurídicas, públicas ou privadas, que soliciten mediante instancia a prestación do servizo.

Estarán exentos do pagamento da taxa as Comunidades de Montes do Termo Municipal.

Artigo 11º.As tarifas que se aplicarán serán as seguintes:

a) Utilización do tractor desbrozadora 30 euros/ hora

Artigo 12º. Todo usuario do servizo de maquinaria deberá solicitalo por escrito mediante modelo oficial que se servirá nas oficinas municipais.

A petición formulada será resolta pola Alcaldía ou Concelleiro delegado, segundo a dispoñibilidade, sen que sexa obrigado acceder ó solicitado polo interesado.

Acordada a prestación do servizo éste poderá suspenderse por razóns de interese público o que se comunicará inmediatamente ó usuarios sen que este teña dereito a indemnización ou contraprestación de resarcimento ó seu favor.

Artigo 13º. Practicada a notificación da resolución o interesado procederá a aboa-la liquidación practicada, que será considerada provisional ata a finalización do servizo en cuxo momento practicarase a liquidación definitiva.

As cotas non satisfeitas faranse efectivas polo procedemento de constrinximento administrativo, cando transcorra un mes dende o seu vencemento. Será de aplicación o previsto no Regulamento Xeral de Recadación.

Artigo 14º. En todo o relativo a infraccións e ás súas distintas cualificacións, así coma ás sancións que poideran corresponder estarase ó disposto na Lei Xeral Tributaria.

Artigo 15º. As tarifas establecidas na presente ordenanza estarán vixentes para o exercicio económico de 2012 e incrementaranse co 3 por 100 (tres por cen) anual.

Disposición final

A presente ordenanza entrará en vigor unha vez publicado o seu texto íntegro no Boletín Oficial da Provincia de Ourense e transcorra o prazo sinalado no artigo 65.2 da lei 7/1985 de 2 de abril.